

# WARTA DELIMA

بِسْمِ اللَّهِ الرَّحْمَنِ الرَّحِيمِ  
بِسْمِ اللَّهِ الرَّحْمَنِ الرَّحِيمِ

SEKOLAH MENENGAH KEBANGSAAN BATU 5  
JALAN JENIANG, 08300 GURUN, KEDAH DARUL AMAN  
TEL: 04-4680018 FAKS: 04-4680549  
Email: smkbtlima.ppdkmy@gmail.com

\*Untuk Edaran Dalam Sahaja

Bil. 1/2015

## Pendaftaran Pelajar Tingkatan 1 Tahun 2015

Oleh Puteri Nur Aliah Megat Mawardi (1A1)



GURU-GURU SMK BATU 5 sedang menyelesaikan urusan pendaftaran pelajar tingkatan 1.

SMK Batu 5 – Sebanyak 204 orang pelajar tingkatan 1 telah mendaftar di SMK Batu 5 pada 1 Januari 2015 yang lalu.

Majlis pendaftaran dimulakan dengan ucapan selamat datang daripada Ketua Pelajar SMK Batu 5, Muhammad Ariff Haiqhal Md Pisol. Majlis diteruskan dengan ucapan alu-aluan yang disampaikan oleh Tuan Pengetua SMK Batu 5, Pn. Hajjah Rosidah Musa. Penolong Kanan Hal Ehwal Murid, Puan Zarini Ahmad telah menyampaikan taklimat tentang perjalanan majlis pendaftaran pelajar tingkatan 1.

Rata-rata pelajar baharu tersebut kelihatan gembira dan teruja untuk memulakan sesi persekolahan mereka pada 11 Januari 2015.

## Program Orientasi Pelajar Asrama 2015

Oleh Khairunnisa Khairul Anwar (4 Sains) dan  
Nurul Syazana Iwani Mohd Sukri (4K1)

SMK Batu 5, 13 Januari 2015 – Majlis Penutup Program Orientasi bagi pelajar asrama yang baru mendaftar telah diadakan bertempat di Dewan Seri Delima.

Majlis ini merupakan acara penutup bagi program orientasi yang telah diadakan selama tiga hari yang bermula dari 10 hingga 12 Januari 2015.

Dalam ucapan yang disampaikan oleh Penolong Kanan Pentadbiran, Puan Rosdiah Shuid, beliau berharap agar pelajar asrama pada tahun 2015 akan menjadi pelajar cemerlang dalam bidang akademik dan kokurikulum.

## Orientasi Pelajar Tingkatan 1

Oleh Puteri Nur Aliah Megat Mawardi (1A1)



SEBAHAGIAN PELAJAR TINGKATAN 1 sedang mengikuti program orientasi yang dijalankan di Dewan Seri Delima.

SMK Batu 5 – Program Orientasi Pelajar Tingkatan 1 sesi 2015 telah dijalankan dengan jayanya pada 11, 12 dan 13 Januari yang lalu.

Program ini diadakan di Dewan Seri Delima. Matlamat program ini diadakan adalah untuk melahirkan pelajar yang mempunyai motivasi dan disiplin yang tinggi.

Antara program yang dijalankan ialah sesi taklimat oleh guru disiplin dan kaunselor pelajar. Pelajar juga telah dibawa melawat sekitar kawasan sekolah untuk menyesuaikan mereka dengan persekitaran baharu.

## Program Orientasi Pelajar Tingkatan 4

Oleh Khairunnisa Khairul Anwar (4 Sains) dan  
Nur Sakinah Ahmad (4 Sains)

SMK Batu 5 – Program Orientasi Pelajar Tingkatan 4 telah dijalankan dengan jayanya pada 14 dan 15 Januari di Dewan Seri Delima.

Antara aktiviti yang dijalankan semasa orientasi tersebut ialah taklimat dan ceramah tentang pakej-pakej mata pelajaran yang ditawarkan.

Menurut kaunselor pelajar, Puan Fuziyah Ismail, majlis ini diadakan untuk memberikan pendedahan tentang pakej-pakej mata pelajaran yang ditawarkan supaya pelajar tingkatan 4 dapat memilih pakej yang betul berdasarkan kelulusan dan minat masing-masing.

Majlis orientasi ini dapat dijalankan dengan lancar hasil kerjasama semua pihak yang terlibat.

## **Majlis Sambutan Maulidur Rasul Peringkat Sekolah**

Oleh **Intan Nurani Maznan (5 Sains)**



**PERSEMBAHAN BURDAH DAN SELAWAT** oleh kumpulan Sautul Syatirin.

SMK Batu 5 – Majlis Sambutan Maulidur Rasul Peringkat Sekolah 1436H/2015 telah dijalankan dengan jayanya pada 15 Januari yang lalu bertempat di Dewan Seri Delima.

Objektif Majlis Sambutan Maulidur Rasul ini bertujuan untuk memupuk sifat cinta akan Nabi Muhammad S.A.W. Selain itu, majlis ini juga bertujuan untuk memupuk minat pelajar terhadap ilmu pengetahuan dan memperoleh iktibar daripada kisah-kisah yang dipaparkan dalam sirah Rasulullah S.A.W.

Majlis ini diserikan dengan persembahan burdah dan selawat oleh kumpulan Sautul Syatirin, dari SM Agama Kampung Sungai Dedap, Yan dan tazkirah oleh Ustaz Mohammad Asri Ismail. Majlis sambutan Maulidur Rasul yang berakhir pada pukul 2.00 petang ini diakhiri dengan bacaan tahlil yang dipimpin oleh Ustaz Md Yusoff Othman.

**Warta Delima** diterbitkan sebulan sekali. Para pelajar dialu-alukan menyumbang apa-apa berita yang berlaku di sekolah.

Berita boleh ditulis dalam bahasa Melayu atau bahasa Inggeris. Hantarkan berita anda sama ada bertulis tangan atau e-melkan kepada Guru Cemerlang Bahasa Melayu, En. Zamri Salleh:

[zamrisalleh.smkbt5@gmail.com](mailto:zamrisalleh.smkbt5@gmail.com)

## **Ceramah Teknik Penulisan Karangan Bahasa Inggeris SPM 2015**

Oleh **Mohamad Firdaus Roszaidi (5 Sains)**

Ceramah Teknik Menulis Karangan Bahasa Inggeris untuk pelajar SPM 2015 telah dijalankan dengan jayanya pada 21 dan 22 Januari.

Program ini bertujuan bagi memantapkan kemahiran pelajar semasa menjawab kertas Bahasa Inggeris SPM. Program pada 21 Januari dikendalikan oleh Puan Juriah Ahmad, guru Bahasa Inggeris dari SMK Sungai Pasir Kecil. Semua pelajar tingkatan 5 terlibat dalam program yang dijalankan di Dewan Seri Delima.

Program pada 22 Januari pula hanya melibatkan pelajar tingkatan 5 Sains dan 5KJ. Program yang dikendalikan oleh Pn. Marzita Mansor dan En. Dizam ini dijalankan di Bilik Seri Mutiara.

## **Patah Tumbuh Hilang Berganti**

Oleh **Haziq Naquiddin Md Suhaimi (3A3)**

Warga SMK Batu telah kehilangan lima orang guru yang sekian lama telah menaburkan jasa di sekolah ini.

Empat orang guru telah bertukar ke sekolah lain, iaitu En. Ong Kia Choon, En. Zainal Abedin Redzuan, Pn. Norashimah Abdul Wahab dan Pn. Azlina Loman.

Seorang guru SMK Batu 5, Allahyarham En. Mohd Yusof Rahman telah meninggal dunia ketika bercuti di Beijing, China pada 16 Disember 2014.

Berikutan dengan itu, SMK Batu 5 telah menerima lima orang guru bagi sesi persekolahan tahun 2015, iaitu En. Ahmad Yazdi Muhd Khiar, En. Mohamad Shafiq Abd Rahim Pn. Norashikin Ismail, Cik Shahida Md Zain dan Pn. Zakiah Azid.

Sebelum bertukar ke SMK Batu 5, En. Ahmad Yazdi mengajar di SMK Agama Nahdzah selama sembilan tahun. Beliau ialah jurulatih negeri bagi sukan memanah. En. Mohamad Shafiq bertukar dari SMK Kuala Perlis. Beliau mengajarkan mata pelajaran Bahasa Inggeris.

Pn. Norashikin Ismail pula bertukar dari SMK Gulau setelah mengajar di sana selama empat tahun. Pn Zakiah berpindah dari SMK Kedawang, Langkawi setelah berada di sana selama lima tahun. Cik Shahida pula sebelum ini mengajar di SMK Methodist, Klang, Selangor sebelum bertukar ke SMK Batu 5.

Semua warga SMK Batu 5 mengalu-alukan kehadiran guru yang baru bertukar ke sekolah ini. Semoga kehadiran para guru tersebut akan dapat memacu SMK Batu 5 ke arah kecemerlangan.